

Kraddla - SCHALLUH (K/T: S. Schwenk - 2023)

**So lang mr no kraddla kennat
So langs Bierle no schmeckt
So lang mr no end Hitte nauf kommat
Han i no nix bessres für mi entdeckt**

Freitag middag gots los
Do brech mr auf zu onsrer Tour
Leit des isch wirklich wichtig
Des isch onser jährliche Männerkur

A Wochenende mit de beschte Freind
A Ewigkeit hemmr drauf gwardet
Doch was nemmr denn so ellas mit? Egal!
Hauptsach mir send mit Bier ausgestattet

No gots los Richtung Klostertal
elle hen en Kolba en dr Hand
Dr Baschti schaltets Radio o
Ond mir sengat: „mei isch des Leiwand“

**So lang mr no kraddla kennat
So langs Bierle no schmeckt
So lang mr no end Hitte nauf kommat
Han i no nix bessres für mi entdeckt**

**So lang mr no kraddla kennat
So langs blede Gschätz net ausgot
So lang mr no den Bledsinn machet
Sag i jeden Dag „dange“ zum liaba Gott**

S'dauert hoffentlich nemme lang
Die Berg send scho zum greifa no
Elle Sorga send wia wegblasa
Ja jetzt semmr endlich do

Pagget schnell eire Sacha
Mir misset los zur Nenzigast
Des isch die scheensta Alm, weit ond broit
Wo wirklich elles basst

Do gibts di beschte Veschberblatte
Dr oigne Käs wird do serviert
Do tiggat die Uhra do andersch
Ab jetzt wird nemme bressiert

**So lang mr no kraddla kennat
So langs Bierle no schmeckt
So lang mr no end Hitte nauf kommat
Han i no nix bessres für mi entdeckt**

**So lang mr no kraddla kennat
So langs blede Gschätz net ausgot
So lang mr no den Bledsinn machet
Sag i jeden Dag „dange“ zum liaba Gott**

Ellas isch so schee slow (Uuh)
S'isch ellas einwandfrei
Mir fahret nonder dr flow - trail (Uuh)
S'got emmer so schnell vorbei

Dr Abschied fällt wie emmer sauschwer (Uuh)
I woiß net wia is saga soll
S'Leba isch net emmer fair
Zum Glick isch onser Akku wieder voll

**So lang mr no kraddla kennat
So langs Bierle no schmeckt
So lang mrs no end Hitte nauf kommat
Han i no nix bessres für mi entdeckt**

**So lang mr no kraddla kennat
So langs blede Gschätz net ausgot
So lang mr no den Bledsinn machet
Sag i jeden Dag „dange“ zum liaba Gott**

**So lang mr no kraddla kennat
Ja no woiß I zweifelsfrei
Dass mir emmer no so weitermachtet
No ischs lang no net vorbei**

**Ond wenn mr nemme kraddla kennat
Ond mir send ella he
No guck mr halt vom Hemmal aus nonder
Ond dengat Heilandzack, wie war des schee**

**No guck mr vom halt Hemmal aus nonder
Ond dengat: Heilandzack, wie war des schee**